

四庫全書

史部

欽定四庫全書

史部

欽定續文獻通考卷九十八

九

給事中<sup>臣</sup>陳化龍覆勘

總校官內閣中書臣孫榕

欽定四庫全書

欽定續文獻通考卷九十八

玉禮考

后妃命婦以下車輦鹵簿

遼皇太后皇后車

臣等謹按遼史輿服志皇太后有總纛車有小輦  
有平頭輦皇后有輿有車前已見乘輿門矣

公主青幃車

二螭頭蓋部皆飾以銀駕用馳

公主下嫁以賜之

輿服志曰古者王姬下駕車服不繫其夫下王后

一等此其遺意歟

又有送終車

車樓純飾以錦螭頭以銀下懸鐸後垂大氍駕以牛

上載羊一

謂之祭羊

以擬送終之用

亦賜公主

臣等謹按以上二車皆遼所謂國輿也若漢輿則

皇太后乘小輦平頭輦外無可見者又考后妃傳

聖宗仁德皇后所乘車置龍首鴟尾飾以黃金又  
造九龍輅諸子車以白金為浮圖各有巧思夏秋  
從行山谷間花木如繡車服相錯人望之以為神  
仙此可補志所未備

### 金皇后車

一曰重翟車青質金飾金塗銅釵花葉段裝釘耀葉  
二十四明金立鳳一紫羅銷金生色寶相帷一青羅  
青油幃衣各一朱絲絡網紫羅明金生色雲龍絡帶

各二兩廂明金五綵間裝翟羽二金塗鍤石長轅鳳  
頭三橫轅立鸞八香爐香寶子一副宜男錦帶結朱  
紅漆杌子踏床各一扶板扶輿一副紅羅明金衣褥  
紅羅襯褥一青羅行道褥四青羅明金生色雲鳳夾  
幔一紅羅明金緣紅竹簾二金塗銅葉斷行馬二朱  
紅漆金塗銀葉裝釘胡梯一青羅胡梯尋儀褥二踏  
道褥十青絹裏大麻索二油裳帕一二曰厭翟車  
赤質倒仙錦帷一紫羅紫油幪衣各一朱絲絡網宜

男錦絡帶各二餘同重翟惟行道夾幔尋儀褥羅及裏索等用紅 三曰翟車黃質金飾鋤石葉段裝釘宜男錦帷黃羅油幪衣鋤石長轅鳳頭三而無橫轅立鸞餘同厭翟而羅色用黃 四曰安車赤質倒山錦帷紫油幪衣朱絲絡網天下樂錦絡帶鋤石長轅鳳頭三無橫轅立鸞及香爐香寶子餘同翟車而色皆用紅 五曰四望車朱質宜男錦帷青油幪衣轅端螭頭二餘並同安車 六曰金根車朱質紫油紫

羅幃衣朱絲倒仙錦絡帶各二踏床褥用紅綾衣尋儀褥踏道褥並用綾餘並同安車

以上凡六車造成後復改造圓輅重簷方輅五華亭

頭平頭六等之制又增制九龍車一高二丈廣一丈一尺長二丈六

尺五鳳車四各高一丈八尺長廣如之圓輅車一方輅車一重簷

車一各高一丈七尺長八尺廣八尺皆駕四馬駕士各五十人並平

巾幘生色青緋黃三色寶相花衫銀褐袿帶大口袴平頭輦一五華輦一亭頭

輦一各高一丈九尺廣一丈五寸長三文舁士各九十六人作兩番代



並生色排窗相管押人員三十五人

長脚幘頭紫羅窄衫金銅帶束

駕馬繁纓涼屐鈴拂包尾皆從車色金銅面插翟尾

朱轡朱總龍車合用紅羅繖一繖子二人

用錦服本幘幘帶

又檢定扇障等制偏扇如仙人羽扇行障六扇

各長八尺

高六尺用紅羅表朱裏畫雲鳳龍首竿鉛鞞結每障用

宮人四坐障二扇

各長七尺高五尺

畫雲鳳紅羅表朱裏餘

同行障錦六柱八扇

各闊二尺高三尺

冒以錦內結使八人

執

宮人車制如屬車駕士八人

平巾幘排衫大口袴鞋襪

供奉宮人

三十人

雲脚紗帽紫衫束帶絳鞵

章宗明昌元年三月定妃嬪車輦用鍍金鳳頭黃結

御妻世婦用間金鳳頭梅紅結子

皇太后皇后鹵簿

用唐宋志共二千八百四十人

清游隊三十人清游旗一執一人引二人夾二人

並平

中幘緹柄當大口袴佩弓矢糖刀執稍弩騎

次金吾衛執衛都尉一人

平巾

幘紫柄襦大口袴  
錦騰蛇弓矢橫刀爆稍二人  
平巾幘緋衫大口袴夾折衝  
領四十

騎橫刀二十人執稍四人弩十六人  
並平頭幘緋襦襜褕大口袴橫刀

弓次虞侯伙飛二十八人  
並平巾幘緋襦襜褕大口袴

均布至黃麾仗次內僕令一人丞一人  
依本品服各書令史

二人  
平巾幘緋衫大口袴騎從次黃麾一執一人夾二人  
武弁朱衣革帶

正道次左右廂黃麾仗廂各三行行百人從內第一

行短戟五色麾  
執者並黃地白花次外第二行戈五

色麾  
執人並赤地黃花次外第三行儀鎧五色旛  
並青

地赤花綦襖  
帽行滕鞋襪

次左右領軍衛左右威衛左右武衛左

右驍衛左右衛等衛各三行行二十人

分前後

衛各主

帥六人惟左右領軍衛各三人

並平中幘緋袴襠大口袴領軍衛前後獅

子文袍帽餘衛豹文袍帽各執鎗石裝長刀騎領分前後

每衛各果毅都尉一人

檢校

被繡袍以上各一人步從

左右領軍衛有絳引旛引前掩後

各三

執者六人並平中幘緋衫大口袴

次內謁者監四人給事內常

侍內侍少監各二人

並騎分左右以上各有內給使一人步從

次內給使

百二十人

皆宮人並平中幘緋衫大口袴分左右在車後

次偏扇團扇方扇

各二十四

分左右以宮人執之皆服間

次香蹬一執

擎內給使四人

平巾幘緋袍襦大口袴鞋襪在重翟車前

次重翟車馬四駕

士二十四人

平巾幘青衫大口袴鞋襪

次行障二坐障二

分左右夾車宮

人執之服同執扇

次內寺伯二人領寺人六

分左右平巾幘緋袍襦大口袴

執御刀並騎夾重翟車

次腰輿一舁士八人團雉扇二

夾次大

繖四次大雉扇八

分左右橫行為二重

次錦華蓋二

單行一次正道

小雉扇朱團扇各十二

並橫行分左右

次錦曲蓋二十四

橫行

為二重

次錦六柱八扇

分左右自腰與以下並給使執之服同前

次宮人

車次絳麾二

分左右執各一人武弁朱衣草帶鞋襪

次後黃麾一執一

人夾二人

並騎武弁朱衣草帶正道

次供奉宮人

在黃麾後

次厭翟車

馬四駕士二十四人次翟車安車皆四馬駕士各二十四人次四望車金根車皆駕牛三駕士各十二人

服同

次左右相牙門各二每門執二人夾四人

並赤棊

黃袍帽第一門在前黃麾前第二門在後黃麾後

次左右領軍衛每廂各一

百五十人執受

並赤地黃花蒸襖帽行膝鞋襪前與黃麾仗齊後盡鹵簿

廂各主

帥四人檢校

平巾幘緋衫大口袴被黃袍帽執鎗金長刀騎其服豹文者二在內服獅文者

二一引前  
一護後

次左右領軍衛折衝都尉各一人檢校及

仗

以上各一人騎從

後次及仗內正道置牙門一每門監門

校尉二人

皆平巾幘緋袍襦大口袴執銀裝長刀騎

每廂各巡檢校尉一

人往來檢校

服仗同前

前後部鼓吹金鉦柶鼓大鼓長鳴

中鳴鐃吹羽葆鼓吹橫吹節鼓御馬並減大駕之半

儀衛志曰時又改重翟等六車用圓方輅輦及行

障坐障錦六柱八宮人等車

又曰海陵天德二年立后皇后乘龍飾肩輿有司

設二步障於殿之西階設扇左右各十繖一此蓋  
殿庭導引之儀也又設皇太后導從六十人繖子  
不在數內

並服簇四盤雕圍花紅錦  
襖金花幘頭塗金銀束帶

永壽永寧宮

導駕各三十人繖子各二人此亦常行之儀也

諸妃嬪導從四十人

幘頭繡盤焦紫  
衫塗金束帶

妃用偏扇方扇

團扇各十六諸嬪各十四皆宮人執

服雲脚紗帽紫  
四襪衫束帶綠

薛

大繖各一繖子二人

就用本服  
錦襖幘帶

大長公主導從一

十二人皇妹皇女一十人

並用紫羅繡胷背葵花夾  
襖盤裏幘頭大佩銀腰帶



牙杖各二其諸宗室女各以親疏差降之

繖制皇太子三位妃皆青羅表紫裏金浮圖親王公主王妃金鍍銀浮圖郡主縣主夫人銀浮圖皆青表紫裏諸臣下母妻各從其夫子勲封品級用繖

元文宗至順三年九月

時將立寧宗

修皇太后儀仗十月

寧宗

已即位

皇太后命作兩宮幄殿車乘供帳

以下皆元史帝紀參與服志

順帝至元二年七月發和囉噶布呼齊駱駝一百一十上供太皇太后乘輿之用

欽定四庫全書

卷九十八

中宮導從

舍人引進使中正院判同僉中正院事僉中正院事

中正院副使同知中正院事中正院使各二人皆分

左右行

各服其本品公服

內侍二人分左右行

服視四品

押直

二人

冠文角幘頭紫羅衫金束帶烏鞞

小內侍凡九人執骨朶二

人執葆蓋四人皆分左右行執織一人由中道行攜

金盆一人由左負金椅二人由右

服紫羅團花窄袖衫冠帶鞞如押直

中正使一人由中道捧外辦象牌

服本品朝服

宮人

凡二十人攜水瓶金鹿盧一人由右執銷金淨巾一人由左捧金香毬金香合各二人分左右捧金唾壺一人由左捧金唾盂一人由右執金拂四人執雉扇十人各分左右行

冠鳳翅鑲金帽銷金緋羅襖銷金緋羅結子銷金緋羅繫腰紫羅衫

五色嵌金黃雲  
扇璫玉束帶

明

明史輿服志曰宋中興以後皇后嘗乘龍肩輿至用紅板輜則自明始世宗嘉靖十三年謁廟后妃

俱乘肩輿出宮至奉天門降輿升輅焉

皇后輅

輅

高三丈一尺三寸有奇

平盤前後車櫺並雁翅四垂如意滴

珠板輅

長一丈九尺六寸

皆紅髹輅用抹金銅鳳頭鳳尾鳳

翎葉片裝釘平盤左右垂護泥板及輪二貫軸一每

輪幅十有八皆紅髹輅以抹金釵花銅葉片裝釘輪

內車轂用抹金銅釵蓮花瓣輪盤裝釘軸中纏黃絨

駕輅諸索輅亭

高五尺八寸有奇

紅髹四柱檻座上沈香色

描金香草板十二片前左右有門

高四尺五寸有奇  
廣二尺四寸有奇

門旁沈香色線金菱花榻各二下條環板有門杌抹

金銅釵花葉片裝釘後紅髹五山屏風釵金鸞鳳雲

文屏上紅髹板釵金雲文中裝雕木渾貼金鳳一屏

後紅髹板俱用抹金銅釵花葉片裝釘亭底紅髹上

施紅花毬紅錦褥席紅髹坐椅一靠背雕木線金五

彩裝鳳一上下香草雲板各一紅福壽板一并褥椅

中黃織金倚靠坐褥四週有椅裙施黃綺帷幔

或黃  
線羅

外用紅簾十二扇前二柱戩金上寶相花中鸞鳳雲  
文下龜文錦輅亭并圓盤

高二尺有奇

抹金銅立鳳頂帶

仰覆蓮座垂攀頂黃線圓條四盤上紅髹下四周沈  
香色描金雲文內青地五綵雲文以青飾輅蓋內寶  
蓋紅髹匡闔以八頂冒以黃綺頂心及四周繡鳳九  
并五綵雲文天輪三層紅髹上雕木貼金邊耀葉板  
七十二片內飾青地雕木五彩雲鸞鳳文三層間繪  
五彩雲襯板七十二片下四周黃銅裝釘上施黃綺

瀝水三層間繡鸞鳳文四垂青綺絡帶繡鸞鳳各一  
圓盤四角連輅坐板用攀頂黃線圓條四輅亭前後  
有左右轉角闌干各二扇內嵌條環板皆紅髹計十  
二柱柱首雕木紅蓮花線金青綠裝蓮花抱柱其踏  
梯行馬之屬與大馬輦同

安車制

高九尺七寸有奇

平盤前後車樞並雁翅板轅二

長一

丈六尺七寸有奇

皆紅髹用抹金銅鳳頭鳳尾鳳翎葉片裝

釘平盤左右垂護泥板及輪二貫軸一每輪幅十有

八皆紅髹軸中纏黃絨駕轅諸索車亭

高四尺四寸

紅髹

方柱四上裝五彩花板十二片前左右有門

高三尺七寸有奇

奇廣二尺二寸有奇

旁紅髹十字樞各二後三山屏風屏後壁

板俱紅髹用抹金銅釵花葉片裝釘亭底紅髹板上

施紅花毯紅錦褥四周施黃綺帷幔外用紅簾四扇

車蓋用紅髹抹金銅寶珠頂帶蓮座

高六寸

四角抹金

銅鳳頭用攀條四並紅髹木魚蓋施黃綺瀝水三層

銷金鸞鳳文鳳頭下垂紅帔鍔其踏梯行馬幃衣與



輅同行障坐障皆以紅綾為之繪升降鸞鳳雲文行障繪瑞草於漚水坐障繪雲文於頂

輿服志曰安車本周禮后五輅之一應劭漢官儀鹵簿圖有五色安車晉皇后乘雲母安車唐皇后安車制如金輅惟明安車為簡素行障坐障自唐宋有之皇后重翟車後皆有行障六坐障三夾車宮人執之而唐書宋史皆不載其制金史行障坐障見前明制則如右

太皇太后皇太后輅及安車行障坐障制與皇后同  
皇妃車

名曰鳳輅與歷代異名其制青頂上抹金銅珠頂四  
角抹金銅飛鳳各一垂銀香圓寶蓋并綵結轎身紅  
髹木匡三面篋織紋簾繪以翟文抹金銅釵花葉片  
裝釘紅髹柵飾以抹金銅鳳頭鳳尾青銷金羅綠邊  
紅簾并看帶內紅交牀并坐踏褥紅銷金羅轎衣一  
頂用銷金寶珠文瀝水香草文看帶并幃皆鳳文紅

油絹雨轎衣一自皇后以下皆用行障二坐障一第別以彩繪皇妃行障坐障俱紅綾為之繪雲鳳而行障瀝水繪香草

東宮妃車

亦曰鳳轎小轎制俱同皇妃行障坐障之制亦同

親王妃車

亦曰鳳轎小轎制俱同東宮妃惟鳳轎衣用木紅平羅小轎衣二一用縐紅紵絲一用木紅平羅行障坐

障制同東宮妃

公主車

宋用厭翟車明初因之其後定制鳳轎行障坐障如親王妃

郡王妃及郡主車

俱用翟轎制與皇妃鳳轎同第易鳳為翟行障坐障同親王妃而繪雲翟文

皇后儀仗

丹陛儀仗三十六人黃麾二戟五色繡旛六戈五色  
繡旛六鎧五色錦旛六小雉扇四紅雜花團扇四錦  
曲蓋二紫方纈二紅大纈四丹墀儀仗五十八人  
班劍四金吾仗立瓜卧瓜儀刀鐙杖骨朶斧各四響  
節十二錦花蓋二金交椅金踏脚金水盆金水罐各  
一方扇八宮中常用儀衛二十人內使八人色繡  
旛二金斧金骨朶各二金交椅金脚踏各一宮女十  
二人金水盆金水罐金香爐金香合金唾壺金唾盂

各一拂子二方扇四

儀衛志曰洪武元年定永樂元年增置紅杖一對

太皇太后皇太后儀仗與皇后同

皇妃儀仗

紅杖二清道旗絳引旛各二戈擎戟擎儀鎗擎吾杖  
儀刀班劍立瓜卧瓜鐙杖骨朶金鉞各二響節四青  
方纈四紅繡圓纈一繡方扇四紅花圓扇四青繡圓  
扇四交椅脚踏各一拂子二水盆水罐香爐香合唾

盂唾壺各一紅紗燈籠四

東宮妃儀仗

紅杖二清道旗絳引旛各二儀鎗斃戈斃戟斃吾杖  
儀刀班劍立爪卧爪鐙杖骨朵金鉞各二響節四青  
方繖二紅素圓繖二紅繡圓繖一紅繡方扇紅繡花  
圓扇青繡圓扇各四交椅脚踏各一拂子二水盆水  
罐香爐香合各一紅紗燈籠四

永樂二年禮部言東宮妃儀仗如親王妃惟香爐香

合如中宮但亦不用金其水盆水罐皆用銀從之

親王妃儀仗

紅杖二清道旗絳引旛各二戟麾吾仗儀刀班劍立  
瓜卧瓜骨朶鐙杖各二響節四青方纈二紅綵畫雲  
鳳纈一青孔雀圓扇紅花扇各四交椅脚踏水盆水  
罐各一紗燈籠四拂子二

公主世子妃儀仗俱同親王妃

郡王妃儀仗



紅杖二清道旗絳引幡各二戟斨吾杖班劍立瓜骨  
朶各二響節二青方繖二紅圓繖一青圓扇紅圓扇  
各二交椅脚踏各一拂子紅紗燈籠各二水盆水罐  
各一

郡主儀仗

紅杖清道旗班劍吾杖立瓜骨朶各二響節二青方  
繖紅圓繖各一青圓扇紅圓扇各二交椅脚踏水盆  
水罐各一紅紗燈籠拂子各二

儀衛志曰郡王儀仗有交椅馬杌皆木質銀裹水  
盆水罐及香爐香合皆銀質抹金量折銀三百二  
十兩郡王妃儀仗有交椅等大器量折銀一百六  
十兩餘皆自備充用

此舊例也

嘉靖四十年定除親王

及親王妃初封儀仗照例頒給外其初封郡王及  
郡王妃折銀等項併停止萬歷十年定郡王初封  
係帝孫者儀仗照例全給係王孫者免蓋宗室分  
封漸多勢難徧給也

皇太子皇子公卿以下車輦鹵簿

遼皇太子車輅

金輅從祀享正冬大朝納妃用之冊皇太子儀乘黃

令陳金輅皇太子升降金輅

互見冊立皇太子門

輅車五日常朝享宮臣出入行道用之金飾紫幟朱

裏駕一馬

四望車弔臨用之金飾紫油纁通幟駕一馬

臣等謹按以上皆志所謂漢輿也自皇太子以下

志則闕焉不可考矣

金皇太子車

其制赤質金飾諸末重較箱畫虞文鳥獸黃屋軾作  
赤伏鹿龍輶金鳳一軾前設障塵朱蓋黃裏輪畫一  
牙左建九旂右載闔戟旗首銜金龍頭結綬及鈴綫  
八鸞在衡二鈴在軾駕赤騮四金鏐方鈇挿翟尾鏤  
錫鞶纓九就皇帝輅自頂至地高一丈七尺今綢四  
分之一

為一丈三  
尺二寸

脩廣之綢亦如之

世宗大定六年十二月奏皇太子金輅典故制度及  
上用金輅儀式奉勅詳定輶旗旂首及應用龍者更  
以麟為飾省去障塵等物上用金輅名件色數依上  
公以九為節減四分之一上用輅軾前有金龍改為  
伏鹿軾上坐龍改為鳳旗十二旒減為九駕赤騶六  
減為四及簾褥用黃羅處改用梅紅餘並具體成造  
王公以下車

制一品輅用銀螭頭涼棚杆子月板並許以銀裝飾

三品以上螭頭不得施銀涼棚杆子月板亦聽用銀  
為飾五品以上轅獅頭六品以上轅雲頭庶人坐車  
平頭止用一色黑油

親王鞍塗金銀裹仍釵以開花障泥用紫羅飾以錦  
轡以塗金銀裝束用絲結王家小功以上太皇太后  
皇太后大功以上皇后期親以上并一品官及官職  
俱至三品以上者障泥許用金花若經賜或御毬場  
內不在禁限

舊制親王宰執任外者皆服小帽束帶銀鞍絲鞭大  
定中以京尹亦外官三品而與親王無別遂命不得  
御銀鞍絲鞭惟同外三品例幘頭帶展皂視事章宗  
承安二年制護衛銅裝鞍轡不得借入庶人馬鞍許  
用黑漆以骨角鐵為飾不得用玉鉸具及金銀犀象  
飾鞍轡

皇太子鹵簿

受冊寶謝廟凡大禮大朝會則用之有司奏當用唐

宋儀禮詔止用千人

中道清油隊二十四人折衝都尉一人白澤旗一五

人弩四弓六稍八

並騎

清道直盪隊一十八人折衝

都尉二人稍四弓矢十二

並騎

誕馬四八人正直

旗隊三十三人果毅都尉一人重輪旗一馴犀旗二

野馬旗一馴象旗二旗各五人

並騎

細引隊一十四

人果毅都尉二人弓矢六稍六

稍與弓矢  
相間並騎

前部鼓

吹九十八人

並騎

府司二人金鉦攔鼓各二大鼓十二



長鳴八鐃鼓二簫笳各六帥兵官二節鼓二小鼓十

二中鳴八桃皮篳篥歌各四拱辰管篳篥各六大橫

吹十二羽葆鼓二帥兵官二 繖扇八梅紅繖二大

雉扇四中雉扇二小輿一十八人 導引官一十二

人中允諭德庶子詹事各二人太師太傅太保少師

各一人在金輅後

並騎

親勲翊衛團子隊七十四人

郎將二人儀刀七十二

並騎

金輅七十人

三衛隊

一十八人

執儀刀

厭角隊六十二人郎將一人祥雲

旗一五人弩三弓矢七稍十五

並騎

又郎將一人旗弩

弓矢稍等同上

並騎

朱團扇一十六人司禦率府校

尉四人

騎

朱團扇紫曲蓋各三大角一十八 後部

鼓吹五十四人

並騎

管押指揮一人金鉦撾鼓各一鏡

鼓二簫歌篳篥各六節鼓一主帥二人笛六笳四拱

辰管六小橫吹十主帥二人 後拒隊四十六人果

毅都尉一人

騎

三角獸旗一五人弩四弓矢十六

稍二十

臣等謹按清油隊二十四人以折衝至弓稍計之  
其數適合餘亦如之惟正直旗隊三十三人自果  
毅都尉以下至象旗止三十一人前部鼓吹九十  
八人自府司以下至帥兵官二共一百人朱團扇  
一十六人其下乃有二十八人此必史偶有訛也  
或疑前部鼓吹有帥兵官各二當有一衍者則後  
部鼓吹何嘗無主帥各二人耶姑闕疑以備考

外仗左行二百四人 牙門十六人 並 牙門旗一三

人監門校尉三人卽將一人班劍九 前第一隊二

十七人司禦率府一人果毅都尉一人折衝都尉一

人主帥一人

並騎

絳引幡三首九人麟頭竿二儀鎧斧

二弓矢二麟頭竿二儀鎧斧二朱刀盾二小戟二

第二第三第四第五隊各一十四人與第一部麟頭

竿以下同 後第一隊四十七人牙門旗一三人監

門校尉三人果毅都尉一人主帥一人絳引幡三九

人鷄雞旗一五人稍四弩三稍四弓矢三稍四弓矢

三朱刀盾二小戟二

並騎

後第二隊二十九人果毅

都尉一人綱子旗一五人稍五弩三稍五弓矢三稍

三弓矢四

並騎

後第三隊二十九人果毅都尉一人

黃鹿旗一五人稍弩弓矢等與第二隊同

並騎

右行二百四人排列同

儀衛志曰世宗大定六年九月帝自西京還有司  
備儀仗皇太子乘金輅帝疑其非禮以問禮官無  
能知者帝怒皆責降之

皇太子常行儀衛

導從六十二人繖子二人

並服梅紅繡羅雙盤鳳襖金花幘頭塗金銀束帶

凡從盤鑪鑼唾盂水罐等事並用金銀飾繖用梅紅

羅坐麒麟金浮圖椅用金鍍銀圈雙戲麒麟椅背紅

絨絛結殿庭與宴襖用繡羅間金盤鳳桌衣則用繡

羅獨角間金盤獸東宮視事朱髹飾椅塗金銀獸銜

紅絨絛結明金圈花椅背案衣則用素羅色皆梅紅

蒙帕踏脚同

親王儀從

引接十人

皂衫盤裹束帶

乘馬捧攏官五十人

首領紫羅襖素幘頭執銀

裹牙杖織子紫羅團荅綉芙蓉襖間金花交脚幘頭除人紫羅四襟綉芙蓉襖兩邊黃緞儀欄並用金鍍

銀束帶幘頭同

邀喝四人織用青表紫裏金鍍銀浮圖椅用

銀裹團背水罐鑷鑼唾盂並用銀

郡王捧攏官三十人未出宮者二十人國公捧攏官

二十人未出宮者十四人郡王接引六人國公四人

未出宮者各減半人從儀物並依一品職事官制

百官儀從

正一品三師三公尚書令朱衣直省各十人

三公稱直府

捧攏官各六十人

並服紫衫帽銀偏帶

內執藤棒骨朶牙杖各

三對簇馬六人繖子二人交椅水罐鑪鑊孟子唾盃

等事以次執之

服皂衫帽塗金銅束帶後凡執色人並同

邀喝四人繖用

青羅紫裏銀浮圖

從一品尚書左右丞相平章政

事都元帥樞密使直省同

樞密稱直院以班祇人充

捧攏官五十

人邀喝四人判大中正引接十人捧攏官四十人大



興尹面前兩對餘並同以上交椅並用銀裏圍背紫  
絲絛結 正二品東宮三師左右副元帥尚書左右

丞直省八人捧攏官四十人邀喝二人織用朱浮圖

從二品參知政事樞密副使御史大夫直省同

御史

臺稱通引以優  
使班祇人充

捧攏官三十六人邀喝數同 正三

品東宮三少元帥左右監軍殿前都點檢六部尚書

諸京留守宣徽勸農使翰林學士承旨等官凡同品

者各引接六人捧攏官二十人以上交椅並用直背

銀間裝青絲絛結諸京都轉運使招討使諸路提刑  
使諸府尹兼本路兵馬都總管及留守捧攬官五十  
人外任統軍使都運招討使副使諸府尹兼總管捧  
攬官四十五人公使七十人從三品元帥左右都  
監勸農副使殿前副都點檢及御史中丞等官凡同  
品者各引接六人捧攬官一十八人

內中丞引從  
則給緋衫外

任運使節度使捧攬官四十人諸節鎮諸部族節度  
同公使上鎮七十人中鎮六十五人下鎮六十人以

上外任官人從服色除諸招討總管部族節度郡牧  
使自來無射糧軍人力者並仍舊外留守統軍總管  
都運招討府尹轉運節度使人力亦仍舊其數雖多  
俱不得過四十人

並服紫  
衫銀帶

銀裹圈背交椅銀水罐鑷

鑼盃盃牙杖內銀裹骨朵大劍各兩對及邀喝惟運  
使無骨朵大劍 正四品左右諫議大夫國子祭酒  
六部侍郎等官凡同品者各引接八人本破十二人  
外任留守同統軍都監提刑副使各捧攏官三十人

從四品殿前左右衛將軍諸明安千戶親王府尉  
諸京同知轉運等官凡同品者各引接四人本破十  
二人外任捧攏官三十五人公使上防禦六十人中  
防禦五十五人下防禦五十人 正五品尚書左右

司郎中翰林待制太常少卿等官凡品同者各本破  
八人外任捧攏官三十人公使上州五十人中州四

十五人下州四十人

凡防禦刺史知軍並京府統軍  
司節鎮佐貳等官人從並服紫

衫角  
束帶

直背銀交椅鍬鑼孟子唾盃牙杖繖用青表碧

裏青浮圖防禦刺史知軍仍用銀裏骨朶大劍一對  
邀喝惟隨路副統軍則不邀喝 從五品六部郎中

侍御史大理少府等官凡同品者本破七人

侍御史引從則給

緋衫

外任本破十人以上職事官並許張蓋

正六品

尚書左右司員外等官凡同品者本破六人外任本

破九人 從六品尚書六部員外等官凡同品者本

破五人外任本破九人 正七品殿中侍御史等官

凡同品者本破四人外任本破七人縣令公使十人

都軍公使六人 從七品應奉翰林文字等官凡同  
品者本破四人外任本破六人縣令公使十人 正  
八品大理評事等官凡同品者本破二人外任本破  
六人 從八品太常太祝等官凡同品者本破二人  
外任本破五人 正九品御藥都監等官凡同品者  
本破一人外任本破三人 從九品隨殿位承應同  
監等官凡同品者本破一人外任本破一人 尚書  
省樞密院令譯使通事六部御史臺及統軍司通事

誥院令史國史院書寫等職各設本破一人

儀衛志曰以上職官人力從物不得僭越其外任

官人從服執以本處公用或贓罰錢置又凡內外

官自親王以下儀從各有名數差等而朱衣直省

不與其賤者一曰引接

亦曰引從

內官從四品以上設

之二曰捧攏官內外正五品以上設之三曰本破

內外正四品以下設之四曰公使外官正三品以

下設之五曰從巳人力外官正三品京都留守大

興府尹以下等官設之本破如揜攬之職公使從  
公家之事從已執私家之役者也五等皆以射糧  
軍充其軍非驗物力以事攻討特招募民年十七  
以上三十以下魁偉壯健者收刺以資糧給之故  
曰射糧其首領則有將節承局什將等名而皆統  
於隨路都兵馬總管府焉金之所以禮臣下足任  
使者其亦先代之遺法歟

外任官從已人力諸京留守大興府尹五十人統軍



都轉運招討按察使諸路兵馬都總管四十五人轉  
運節度使四十人提案諸羣牧防禦使三十五人外  
任親王傳同知留守副統軍按察副使諸州刺史知  
軍事三十人同知都轉運使事副招討副留守同知  
府尹兼總管提舉漕運司諸五品鹽使二十五人都  
轉運副使按察使僉事少尹副總管同知轉運節度  
使事二十人京都兵馬都指揮使一十八人轉運節  
度副使十七人兵馬都鈐轄十五人親王府尉諸京

留守總判官同知防禦使事十三人警巡使兵馬副都指揮同提舉漕運司正六品鹽副使從六品酒麴鹽稅使同知州軍事一十人統軍都轉運司京府總管散府等判官京推官九人親王府司馬招討判官赤剌縣令提舉上京皇城兵馬鈐轄正七品酒麴鹽稅副使都轉運判官府推官節度觀察判官八人京縣次剌縣令都巡檢使正將府軍都指揮使七人司屬令親王府文字招討司勘事官諸縣令警巡副使

知城堡寨鎮從七品鹽判同提舉上京皇城節鎮軍  
都指揮使都巡河同七品酒使防禦判官六人市令  
錄事赤劇縣丞副都巡檢使副將都巡檢州軍判官  
五人統軍使知事親王府記室參軍同屬丞正八品  
酒使副京縣次劇縣丞諸司使四人大興府招討按  
察司知事京府運司節鎮司獄管勾河橋關度議察  
官從八品鹽判官漕運使勾當官警巡判官諸縣丞  
市丞司候主簿錄事司判官縣尉副都巡檢諸巡檢

巡河官正九品酒使諸司副使三人鹽場管勾防刺  
以下司獄部隊將同管勾河橋副譏察司候判官教  
授統軍按察司知法軍轄諸司都監節鎮以上知法  
二人鹽場同管勾防刺以下知法諸司同監統軍按  
察司書史統軍司譯書通事一人

博索公使從已人力於附近東京澄州招募漢人百  
姓投充

謂非明安穆昆所管者

海蘭率賓呼爾哈扶餘路並于

各管明安穆昆所管上中戶內輪差驅丁依射糧軍

例支給錢糧周年一易部羅和特哩衮札薩克亦同  
其諸札及羣牧官員若明安穆昆應差本管民戶充  
人力並上中戶輪當

儀衛志曰諸內外官有兼職各應得人從者從多  
給餘各驗品類差諸親王引接引從在都兵馬司  
差公王隨朝者從守部本破內差外路者並所在  
州府就差諸王府引從相府捧攏官引接周年替  
代自餘十月滿代並以射糧軍充諸隨朝六品以

下職官并諸局承應者願令從已輸庸者聽仍具  
姓名申部本處官司周年內不得占使諸職官之  
任以理去官者接送人力于從已人內給半取接  
者皆于所在官司出給印券差取送還者須到本  
所募發還如無驗者權閣支請候會問別無逃亡  
將帶然後放支諸致仕官職俱至三品者從已人  
力于願往處給半不得輸庸身故應送還者又減  
半給之若年未六十而致仕及罷去者則不給

元世祖至元元年十二月定中外百官儀從 十九年  
八月申嚴以金飾車馬服御之制

職官以下車輿鞍轡

車輿除不得用龍鳳文外一品至三品許用間金妝  
飾銀螭頭繡帶青幔四品五品用素獅頭繡帶青幔  
六品至九品用素雲頭素帶青幔庶人黑油齊頭平  
頂皂幔

鞍轡一品許飾以金玉二品三品飾以金四品五品

飾以銀六品以下並飾以鍮石銅鐵

明皇太子金輅

輅制

高一丈二尺二寸有奇廣八尺九寸轅長一丈九尺五寸輅座高三尺二寸有奇

平盤

滴珠板輪輻輪輞悉同玉輅輅亭

高六尺四寸有奇

紅髹四

柱

長五尺四寸

檻座上四周線金五綵香草板前左右有

門

高五尺有奇廣二尺四寸有奇

門旁楬各二編紅線條及門枕皆

紅髹後五山屏風青地上雕木貼金龍五間以五彩

雲文屏後紅髹板皆抹金銅級花葉片裝釘紅髹匡



軟座紅絨墜座大索四下垂蓮花墜石上施紅毯紅  
錦褥席紅髹椅一納板一并褥椅中紅織金倚靠座  
褥四周有椅裙施紅羅帷幔外用青綺綠邊紅簾十  
二扇椅雕貼金龍彩雲下線金彩雲板一亭內編紅  
線絛輅頂并圓盤

高二尺五寸有奇

又鍍金銅寶珠頂帶仰

覆蓮座

高九寸

垂攀頂紅線圓絛四盤上丹漆下內外

皆青地繪雲文以青飾輅蓋亭內周圍青斗拱承以  
丹漆匡寶蓋闕以八頂冒以紅綺頂心繡雲龍餘繡

五彩雲文天輪三層皆紅髹上雕木貼金邊耀葉板七十二片內飾青地雕木貼金雲龍文三層間繪五彩雲襯板七十二片四周黃銅裝釘上施紅綺瀝水三層每層七十二摺間繪五彩雲龍文四角之飾與大輅同第圓條用紅線輅亭前一字闌干一扇後一字帶轉角闌干一扇左右闌干二扇內嵌五彩雲板皆丹漆計十四柱柱首制與大輅同亭後建紅旗二以紅羅為之九旂每旂內外繡升龍一左旗腰繡日

月北斗竿用抹金銅龍頭右旗腰繡黻字竿用抹金  
銅戟綴抹金銅鈴二垂紅纓其踏梯行馬之屬與玉  
輅同帳房用青木棉布竿首青綠蹲猊餘同乘輿帳  
房

臣等謹按明會典載皇太子儀仗內有金輅一乘  
乃永樂三年增定也

親王象輅

輅制

高視金輅減六寸其廣減一尺轅長視大輅減一尺輅座高三尺有奇餘飾同金輅  
輅亭

高五尺二寸有奇 紅髹四柱檻座上四周紅髹絳環板前左

右有門

高四尺五寸有奇 廣二尺二寸有奇

門旁榻各二及明杌後五

山屏風皆紅髹用抹金銅釵花葉片裝釘亭底紅髹

施紅花毯紅錦褥席其倚靠坐褥帷幔紅簾之制俱

同金輅輅頂俱圓盤

高二尺四寸有奇

用抹金銅寶珠頂餘

同金輅天輪三層皆紅髹上雕木貼金邊耀葉六十

三片內飾青地雕木五彩雲文三層間繪五彩雲襯

板六十三片四周黃銅裝釘上施紅綺瀝水三層每

層八十一摺綉瑞草文前垂青綺輅帶二俱繡升龍  
五彩雲文圓盤四角連輅座板用攀頂紅線圓條四  
并紅髹木魚亭前後闌干同金輅左右闌干各一扇  
內嵌條環板皆紅髹計十四柱柱首雕木紅蓮花線  
金青綠裝蓮花抱柱前闌干內布花毯紅旗二與金  
輅所樹同竿上祇垂紅纓五其踏梯行馬之屬亦同  
金輅帳房用綠色螭頭餘與東宮同

皇孫車

永樂中定皇太孫婚禮儀仗如親王降皇太子一等  
而用象輅

郡王無輅祇有帳房制同親王

公卿以下車輿

百官乘車之制洪武元年令凡車不得雕飾龍鳳文  
職官一品至三品用間金飾銀螭繡帶青幔四品五  
品素獅頭繡帶青幔六品至九品用素雲頭青帶青  
幔轎同車制庶民車及轎並用黑油齊頭平頂皂幔

禁用雲頭六年令凡車轎禁丹漆五品以上車止用  
青縵婦女許坐轎官民老疾者亦得乘之景帝景泰  
四年令在京三品以上得乘轎孝宗弘治七年令文  
武官例應乘轎者以四人舁之其五府管事內外鎮  
守守備及公侯伯都督等不問老少皆不得乘轎違  
例乘轎及擅用八人奏聞蓋自太祖不欲勲臣廢騎  
射雖上公出必乘馬永樂元年駙馬都尉胡觀越制  
乘晉王濟熺朱轎轎為給事中周景所劾有詔寬

觀而賜濟熺書切責之惟文職大臣乘轎庶官亦乘轎又文臣皆許乘車大臣得乘安車後久廢不用武宗正德四年禮部侍郎劉機言大明集禮公卿大臣得乘安車因請定轎扇繖蓋品級等差帝以京城內安車繖蓋久不行却其請而命轎扇俱如例行世宗嘉靖十五年禮部尚書霍韜言禮儀定式京官三品以上乘轎過者文官皆用肩輿或乘女轎乞申明禮制俾臣下有所遵守乃定四品下不許乘轎亦毋得



用肩輿穆宗隆慶二年給事中徐尚劾應城伯孫文棟等乘輜出入驕僭無狀帝命奪文棟等俸乃諭兩京武職非奉特恩不許乘輜文官四品以下用帷輜者禁如例神宗萬曆三年奏定勲戚及武臣不許用帷輜肩輿并交牀上馬

輿服志曰破格殊典則宣德中少保黃淮陪遊西苑嘗乘肩輿入禁中嘉靖間嚴嵩奉詔苑直年及八旬出入得乘肩輿武臣則郭勛朱希宗特命乘

肩輿扈南巡蹕後遂賜常乘焉俱非制也

繖蓋之制洪武元年令庶民不得用羅絹涼繖但許用油紙雨繖三年令京城內一品二品用繖蓋其餘用雨繖十六年令尚書侍郎左右都御史通政使太常卿應天府尹國子祭酒翰林學士許張繖蓋二十年定一品二品繖用銀浮圖頂三品四品用紅浮屠頂俱用黑色茶褐羅表紅絹裏三簷雨繖用紅油絹五品紅浮屠頂青羅表紅絹裏兩簷雨繖同四品

六品至九品用紅浮屠頂青絹表紅絹裏兩簷雨繳  
俱用油紙三十五年官員繳蓋不許用金繡朱丹裝  
飾公侯駙馬伯與一品二品同憲宗成化九年令兩  
京官遇雨任用油繳其涼繳不許張于京城

鞍轡之制洪武六年令庶民不得描金惟銅鐵裝飾  
二十六年定公侯一品二品用銀鍍鐵事件鞬用描  
銀三品至五品用銀鍍鐵事件鞬用油畫六品至九  
品用擺錫鐵事件鞬用油畫三十五年定官民人等

馬額下纓并鞦轡俱用黑色不許紅纓及描金嵌金  
天青朱紅裝飾軍民用鐵事件黑綠油韃

皇太子儀仗

以下皆明  
史儀衛志

洪武元年定門外中道設龍旗六其執龍旗者並戎  
服黃旗一居中左前青旗一右前赤旗一左後黑旗  
一右後白旗一每旗執弓弩軍士六人服各隨旗色  
殿下設三十六人絳引旛二戟斃戈斃儀鎗斃羽葆  
幢各六青方纛二青小方扇四青雜花團扇四皆校

尉擎執殿前設四十八人班劍吾杖立瓜卧瓜儀刀  
鐙杖骨朶斧各四響節十二金節四皆校尉擎執殿  
門設十二人金交椅金脚踏金水罐金水盆各一青  
羅團扇六紅團蓋二皆校尉擎執殿上設六人金香  
爐香合唾盂唾壺各一拂子二皆內使擎執

永樂元年禮部言東宮儀仗有司失紀載視親王差  
少宜增置金香爐金香合各一及二义二傳教告止  
信幡各二節二幢二夾稍二稍刀盾各二十戟八紅

紙油燈籠六紅羅銷金邊圓織紅羅繡圓織各一紅  
羅曲蓋繡織紅羅素圓織紅羅素方織青羅素方織  
各二紅羅繡孔雀方扇紅羅繡四季花團扇各四拂  
子二唾盂唾壺各一鞍籠一誕馬八紅令旗二清道  
旗四幟弩一白澤旗二弓箭二十副從之

親王儀仗

洪武六年定宮門外設方色旗青色白澤旗各二執  
人服隨旗色並戎服殿下絳引旛二戟斃戈斃儀鎗

擎各二皆校尉執殿前班劍吾杖立瓜卧瓜儀刀鐙  
杖骨朶斧各二響節八皆校尉執殿門交椅脚踏水  
罐水盆各一團扇四蓋二皆校尉執殿上拂子二香  
爐香合唾壺唾盂各一十六年詔親王儀仗內交椅  
盆罐用銀者悉改用金

惠帝建文四年禮部言親王儀仗合增紅油繖銷金  
雨繖一紅紗燈籠紅油紙燈籠各四鮑燈二大小銅  
角四從之永樂三年命工部親王儀仗內紅銷金繖

仍用寶珠龍文凡世子儀仗同

郡王儀仗

令旗清道旗各二幟弩一刀盾十六弓箭十八副絳  
引傳教告止信旛各二儀杖吾刀立瓜卧瓜骨朶斧  
各二戟稍各十六麾幢節各一響節六紅銷金圓繖  
紅圓繖各一紅曲柄繖紅方繖各二青圓扇紅圓扇  
誕馬各四鞍籠馬杌各一拂子二交椅脚踏水盆水  
罐香爐各一紅紗燈籠鮑燈各二帳房一座



公卿以下繖蓋鞍轡

臣等謹按王圻續通考又載官員儀從洪武二十四年定公十人侯八人伯六人一品至三品同四品至六品四人七品至九品二人成化元年令京官出外四品以上引導三對錫槊鋼叉藤棍七品以上二對槊棍在外方面堂上官引導三對同京官各府及四品以上官用二對七品以上一對用藤棍八九品用竹篋一對雜職不許用附錄於此

欽定續文獻通考卷九十八

欽定四庫全書

欽定續文獻通考卷九十九

王禮考

國恤

宋寧宗嘉定十七年閏八月

理宗即位

詔宮中自服三年喪

明年改元寶慶七月禮部侍郎真德秀言三年之喪行於宮壺非獨衰麻在躬而已哀慕之存於心者不可頃刻忘憂戚之形於色者不可斯湏已古者卒哭

而廬居小祥而堊室今雖未能如昔然居處之制不可不極其樸素也古者服喪非有疾不飲酒食肉今雖未能如昔然饗人大官之供不可不極其菲儉也古者終喪不處於內今雖未能如昔然防微謹獨屏遠聲色不可不極其嚴也食則見先帝於羹立則見先帝於墻庶不負罔極之恩昭純孝之實儻因移御之適凡所以自奉者稍異於居喪之儀則雖衰麻在躬猶不服也

臣等謹按王圻續通考載寧宗時侍講朱熹論喪服劄乃據寧宗即位日不行承重禮言之已詳馬端臨考又載嘉定十七年皇太后皇帝始御素幄垂簾聽政宰執奏垂簾外朝之禮請酌高宗典故而行從之理宗寶慶元年詔以日易月之制雖已仰遵先帝遺烈然吾與嗣君心實未安宮中自服三年喪二年八月大祥帝詣几筵行奠祭禮考紀志皆不載附錄於此

理宗紹定五年十二月羣臣凡七表請聽政詔外朝大典不敢輕改宮中自服三年

臣等謹按王圻續通考載寧宗恭聖仁烈楊皇后遺詔曰國事方殷毋庸過哀宜從權制皇帝成服三日聽政喪紀以日易月大臣更加開釋勿致推傷百官入臨隨地之宜諸道州府長吏以下三日釋服在京禁音樂百日在外一月無禁祠祀嫁娶沿邊不用舉哀考紀志皆不載未知何所本也又

云乙巳帝詣慈明殿行大祥祭奠禮不繫以月則更踈矣

景定五年十月

度宗即位

宰執文武百官詣祥曦殿表請聽

政不允十一月凡七表始從之御後殿詔躬行三年喪王圻曰遺詔如紹定五年故事

臣等謹按宋史禮志自孝宗以降外庭雖用易月之制而宮中實行三年之喪云

遼太宗天顯八年十一月以太皇太后喪遣使告哀於

唐及人皇王倍

大同元年四月

世宗即位

次定州命天德

朔古解里等護梓宮先赴上京

世宗天祿五年九月

穆宗即位

遣劉家訓告哀於漢十一月

漢周南唐各遣使來弔

聖宗統和元年正月朔以

景宗

大行在殯不受朝二月以

先帝遺物賜皇族及近臣

二十七年十二月以聖神

定獻皇后

景宗后也

崩遣使報哀於宋夏高麗詔免賀千齡

節

二十八年正月辛亥朔不受賀癸酉奉安梓宮於



乾州葺塗殿二月高麗遣使來弔祭即遣使饋遺物於  
宋仍遣使謝宋弔祭

興宗景福元年

即聖宗太平十一年

六月遣使告哀於宋及高麗

奉梓宮殯於承安山太平殿七月高麗遣使弔慰是月  
謁太平殿焚先帝所御弓矢八月遷梓宮於葺塗殿九  
月宋遣王隨等致祭王驥等來慰兩宮是月焚弧矢鞍  
勒於葺塗殿夏國遣使來慰以宋使弔慰喪服臨葺塗殿遣  
御史中丞耶律蕭等謝宋弔慰十月遣工部尚書高德

順等致先帝遺物於宋夏國遣使來賻閏十月謁敢塗殿閱元宮闕器十一月率百僚奠於敢塗殿出先帝服御玩好焚之

道宗清寧元年

即興宗重熙二十四年

八月帝即位哀慟不聽政

百僚上表固請許之遣使報哀於宋及夏高麗九月以先帝遺物遣宋遣使賜高麗夏國先帝遺物十一月冬至不受羣臣賀四年正月以太皇太后喪遣使報哀於宋夏四月宋遣使弔祭太康二年三月以仁懿皇

后興宗后也崩遣使報哀於宋及高麗夏國以遺物遣使遺

宋夏六月宋及高麗夏國各遣使弔祭

天祚帝乾統元年

即道宗考  
隆七年

二月遣使告哀於宋及西

夏高麗四月宋遣王潛等來弔祭高麗夏國各遣使慰

奠

喪儀

先帝小殮前一日皇帝喪服上香奠酒哭臨其夜北  
院樞密使契丹行宮都部署入小殮翼日遣北院樞

欽定四庫全書

欽定續文獻通考

五

密副使林牙以所賻器物置之幽宮行墓禮

餘詳山陵門

聖宗崩興宗哭臨於最塗殿大行之夕四鼓終帝率羣臣入柩前三致奠奉柩出殿之西北門就輜輶車藉以素裯巫者祓除之詰旦發引至葬所凡五致奠太巫祈禳皇族外戚大臣諸京官以次致祭乃以衣弓矢鞍勒圖畫馬駝儀衛等物皆燔之嗣道宗崩有司奉喪服天祚帝問禮於總知翰林院事耶律固始服斬衰皇族外戚使相矮墩官及郎君服如之餘官

及承應人皆白紵衣巾以入哭臨特哩袞三父房南  
府宰相約尼詳袞九奚首郎君伊勒希巴國舅詳袞  
十扎薩克郎君南院大王郎君各以次薦奠進鞍馬  
衣襲犀玉帶等物表列其數讀訖焚表諸國所賻器  
物親王諸京留守奠祭進賻物亦如之

宋使祭奠弔慰儀

太皇太后至叢塗殿服喪服太后於北間南面垂簾  
坐皇帝於南間北面坐宋使至幕次宣賜素服皂帶更

衣訖引南北臣僚入班立定自矮墩以下並上殿依位立先引祭奠使副捧祭文南洞門入殿上下臣僚並舉哀至丹墀立定西上閤門使自南階下受祭文上殿啟封置於香案哭止祭奠禮物列殿前引使副南階上殿至褥位立揖再拜引大使近前上香退再拜大使近前跪捧臺錢進奠酒三教坊奏樂退再拜揖中書二舍人跪捧祭文引大使近前俛伏跪讀訖舉哀引使副下殿立定哭止禮物擔牀出畢引使副

近南面北立勾弔慰使副南洞門入四使同見大行  
皇帝靈次皇太后別殿坐服喪服先引北南面臣僚  
並於殿上下依位立弔慰使副捧書匣右入當殿立  
閤門使右下殿受書匣上殿奏封全開讀訖引使副  
南階上殿傳達弔慰訖退下殿立引禮物擔牀過畢  
引使副近南北面立勾祭奠使副入四使同見鞠躬  
再拜不出班奏聖躬萬福再拜出班謝面天顏又再  
拜立定宣徽傳聖旨撫問就位謝再拜引出歸幕次

皇帝御南殿服喪服使副入見如見皇太后儀加謝  
速接撫問湯藥再拜次宣賜使副并從人祭奠使副  
別賜讀祭文例物即日就館賜宴高麗夏國奉弔進  
賻等使禮畧如之道宗崩天祚皇帝問禮於耶律固  
宋國遣使弔及致祭歸賻皇帝喪服御遊仙之北別  
殿使入門皇帝哭使者詣柩前上香讀祭文訖又哭  
有司讀遺詔慟哭使者出少頃復入陳賻賻於柩前  
皇帝入臨哭退更衣御游仙殿南之幄殿使者入見



且辭勅有司賜宴於館

金太宗天會元年

即太祖天輔元年

十二月遣貝勒李靖如宋

告哀 二年四月宋遣使來弔喪以高珠巴克等充遺

留國信使如宋 三年正月夏國遣使奠幣 十三年

正月

熙宗即位

遣使告哀於齊高麗夏三月齊高麗使來弔

祭詔諸國使賜宴不舉樂

十四年

時熙宗未改元仍稱天會

正月

太皇太后赫舍哩氏崩三月高麗遣使來弔

熙宗皇統三年正月朔以皇太子濟安喪不御殿三月

太皇太后唐古氏崩五月致祭太皇太后七月亦如之

四年正月祭欽仁皇后

即皇太后唐古氏謚

哭盡哀

海陵貞元元年九月有司言太后園陵未畢合停冬享及祫祭從之

金史后妃傳曰是年四月海陵母大氏崩詔尚書省應隨朝官至五月一日方治事中都自四月十九日為始禁樂一月外路自詔書到日後官司三日不治事禁樂一月聲鐘七晝夜三年大祥海陵

率後宮奠哭於最宮時將遷山陵於大房山故大氏猶在最宮也

世宗大定二十一年二月以元妃李氏之喪致祭興德宮

時過市肆不聞樂聲謂宰臣曰豈以妃故禁之耶細民日作而食若禁之是廢其生計也其勿朕前將詣興德宮有司請由薊門朕恐妨市民生業特從他道顧見街衢門肆或有毀撤障以簾箔何必爾也自今

勿復毀撤

后妃傳曰帝如春水次長春宮元妃李氏以疾薨

詔允成允蹈允濟允德皆服衰絰居喪

允蹈允濟允德妃所生

允成母昭儀梁氏早卒帝命允成為妃養子

皇太子及扈從臣僚奉慰

於芳明殿留守官唐古安禮等上表奉慰御史中

丞張九思提控殯事少府監左光慶等典領鹵簿

儀仗宮籍監別治殯所還殯京師入自崇智門百

官郊迎親戚迎奠道路殯於興德宮西位別室迨

帝至京師幸興德宮致奠比葬三致奠

二十五年六月遣左宣徽使唐古鼎詣京師致祭皇太子允恭命皇太子妃及諸皇孫執喪並用漢儀九月帝至自上京臨奠皇太子於熙春園

先是帝如上京皇太子守國留中都至是薨帝自上京還次天平山好水川訃聞為位臨奠於行宮之南大慟者久之親王百官皇族命婦及侍衛皆會哭帝號泣還宮比至中都為位奠哭者凡七太子在儲位

久恩德在人者深每日三時哭臨侍衛軍士皆爭入  
臨伏哭於承華殿下聲殷如雷中都百姓市門巷端  
為位慟哭

二十九年正月

章宗即位

以即位詔中外賜内外官覃恩兩

重三品以上者一重免今歲租稅并自來懸欠係官等  
錢鰥寡孤獨人絹一匹米二石遣大理卿王元德等報  
哀於宋高麗夏二月始聽政三月夏國遣使來弔四月  
遣使來祭宋遣使來弔祭六月高麗遣使來弔祭及會

葬

臣等謹按金史禮志謂世宗開祥定所以議禮嘗  
圖凶儀鹵簿十三節以備大葬迨宣宗南播冊籍  
莫尋凶禮闕焉考章宗紀是年正月癸巳即位二  
月癸亥始聽政計相距凡三十日蓋亦以日易月  
之制也然自此凡遇正旦及天壽節並以喪不受  
朝賀后妃傳明昌元年禮官議以五月奉上顯宗  
孝懿皇太后冊寶后弗許帝屢為之請后曰今世

宗服未終遽衣錦繡佩珠玉於禮何安當俟服闋行之帝諭有司曰太后執意甚堅其待來年是可知三年之喪金固不廢矣

章宗明昌元年正月朔改元不受朝賀九月朔天壽節亦如之二年正月朔不受朝辛酉孝懿皇后圖克坦氏崩以左副都點檢卞等報哀於宋高麗夏甲戌百官表請聽政不許二月壬午復如之壬辰始視朝三月宋高麗夏各遣使來弔祭九月朔天壽節不受朝



是歲正月庚午太師尚書令淄王圖克坦克寧薨章  
宗欲親為燒飯時梓宮在殯右諫議大夫兼禮部侍  
郎張暉奏仰惟聖慈追念勲臣恩禮隆厚孰不感勸  
太祖時享尚且權停若為大臣燒飯禮有未安今已  
降恩旨聖意至厚人皆知之乞俯從典禮則兩全矣  
從之

三年正月乙巳朔不受朝丙辰以孝懿皇后小祥從尚  
書省請依明昌元年世宗忌辰例諸王陪位服慘素去

金玉之飾百官不視事禁音樂屠宰九月庚午朔天壽節不受朝 四年正月朔以喪不受朝四月朔始舉樂霍王從彞母早死溫妃舒穆魯氏養之明昌六年溫妃薨章宗問從彞喪服於禮部尚書張暉暉奏慈母服齊衰三年桐杖布冠禮也從彞近親至尊厭降與臣下不同乞於未葬以前服白布衣絹巾既葬止用素服終制朝會從吉帝從其奏

泰和八年十二月

衛紹王即位

詔路府州縣服七日

衛紹王至寧元年九月

時宣宗已即位

臨奠於衛紹王第有司

奏舊禮當設座哭帝命撤坐伏哭盡哀勅有司以禮改葬

宣宗貞祐三年正月皇太子守忠薨帝臨奠於殯所有

司奏辰日不哭

是日壬辰

帝曰父子至親何可拘忌十二月

皇太孫鏗薨以殤無祭享之制諭宣徽院免元日親王

公主進酒禮官奏正旦宋遣來賀不宜輟朝朝不舉樂

服色如常儀

欽定四庫全書

欽定四庫全書

卷九十九

十三

哀宗正大元年正月戊戌朔詔改元庚子帝居廬百官始奏事戊午始視朝六月宰執請擊鞠以新喪不許

元仁宗延祐七年正月皇太子碩德巴剌哀毀過禮素服寢於地日歆一粥三月十一日庚寅即位於大明殿詔赦天下

英宗至治二年九月太皇太后崩十月享太廟以國哀迎香去樂

臣等謹按元史祭祀志凡宮車晏駕棺用香楠木

中分為二剝肖人形其廣狹長短僅足容身而已  
殮用貂皮襖皮帽其鞢鞢繫腰盒鉢俱用白粉皮  
為之殉以金壺瓶二盞一碗碟匙箸各一殮訖用  
黃金為箱四條以束之輿車用白氍毹青緣納奇實  
為簾覆棺亦以納奇實為之前行用蒙古巫媪一  
人衣新衣騎馬牽馬一匹以黃金飾鞍轡籠以納  
奇實謂之金靈馬日三次用羊奠祭

本輟  
耕錄

王圻謂

元之喪禮不可考大抵因其國俗者此也

明太祖洪武三十一年閏五月

惠帝即位

詔行三年喪羣臣

請以日易月諭曰朕非效古人亮陰不言也朝則麻冕  
裳退則齊衰杖經食則饘粥郊社宗廟如常禮遂命定  
儀以進

先是十五年七月孝慈皇后馬氏崩葬孝陵至是太  
祖遺詔喪祭儀物毋用金玉孝陵山川因其故毋改  
作天下臣民哭臨三日皆釋服毋妨嫁娶諸王臨國  
中毋至京師諸不在令中者推此令從事

惠帝建文元年正月朔受朝不舉樂

四年六月後以遭革除喪葬之制皆不傳

臣等謹按明法傳錄成祖為惠帝發喪遣官致祭輟朝三日此可補正史所不載

成祖永樂二十七年七月帝北征至榆木川遺詔傳位皇太子喪禮一如高皇帝遺制

時太監馬雲密與大學士楊榮金幼孜謀以六軍在外秘不發喪銘錫為柩以殮載以龍舉所至朝夕上

膳如常儀榮偕御馬監少監海壽馳訃皇太子八月  
至京師皇太子即日遣太孫奉迎至軍中發喪及郊  
迎入仁智殿加殮納梓宮

明史楊士奇傳曰服制二十七日期滿禮部尚書  
呂震請即吉大學士楊士奇不可震厲聲叱之吏  
部尚書蹇義兼取二說進明日帝素冠麻衣經而  
視朝廷臣惟士奇及英國公張輔服如之朝罷帝  
謂左右曰梓宮在殯易服豈臣子所忍言士奇所



執是也

仁宗洪熙元年正月朔御奉天門受朝不舉樂

宣宗宣德十年正月

英宗即位

遵遺詔大事白太皇太后喪

制如獻陵故事惟改命婦哭臨自三品以上

英宗天順八年正月遺詔罷宮妃殉葬

時帝諭處後事命內監牛玉執筆書之一曰東宮即位百日成婚二曰定后妃名分三曰勿以殯御殉葬四曰殯殮器服從舊書畢命持付閣臣潤色大學士

李賢等驚愴捧誦歎曰所言闕大體非聖主英明不能及此而止殉一事尤高出古今真盛德事也

天順實錄

臣等謹按英宗罷宮殯殉葬李賢等歎為高出古今真盛德事伏讀

御批通鑑輯覽曰英宗失德處不可枚舉史臣乃稱其罷宮妃殉葬為可法後世夫以宮人殉葬自是亂政罷之宜耳何足謂為盛德哉考賢等當日捧手詔頌揚猶屬臣下之體而史臣據以為誇美殊未考英宗之始

末也

憲宗成化二十三年八月

孝宗即位

既除服乃素翼善冠麻

衣腰經視朝不鳴鐘鼓百官素服朝叅百日後如常元年正旦時未及小祥帝黃袍御殿受朝次日仍黑翼善冠淺淡服犀帶及大祥神主奉安太廟及奉先殿至禪祭免朝擇日遣官詣陵致祭

孝宗弘治十七年五月

武宗即位

禮部言百日例應變服但

梓宮未入山陵仍請素翼善冠麻布袍服腰經御西角

門視事不鳴鐘鼓百官仍素服朝參從之

武宗正德十六年三月興獻王世子厚燠未除服特命襲封帝無嗣遺詔迎王於興邸即位

世宗嘉靖四十五年十二月

穆宗即位

令旨免命婦哭臨

穆宗隆慶元年正月未及二十七日帝袞服御宣治門百官素服腰經奉慰

神宗萬曆四十八年八月

光宗即位

禮部言喪服列代皆有

制度而斷自孝宗蓋孝宗篤於親喪禮詳且備故武世

穆三廟皆宗之今遵舊制以衰服御文華門視事百官素服朝參候梓宮發引除從之

喪儀

洪武十五年孝慈高皇后崩禮部引宋制為請於是命在京文武官及聽除官人給布一疋令自置服皆斬衰二十七日而除服素服百日凡在京官越三日素服至右順門外具喪服入臨畢素服行奉慰禮三日而止武官五品以上文官三品以上命婦亦以第

四日素服至乾清宮入臨用布衫裙鞋去首飾脂粉  
其外官服制與京官同聞訃日於公廳成服命婦服  
亦與在京命婦同皆三日而除軍民男女素服三日  
禁屠宰在京四十九日在外三日停音樂祭祀百日  
嫁娶官停百日軍民一月

三十一年太祖崩禮部定議京官聞喪次日素服烏  
紗帽黑角帶赴內府聽遺詔於本署齋宿朝晡詣几  
筵哭越三日成服朝晡哭臨至葬乃止自成服日始

二十七日除命婦孝服去首飾由西華門入哭臨諸  
王世子王妃郡主內使宮人俱斬衰三年二十七月  
除凡臨朝視事素服烏紗帽黑角帶退朝衰服羣臣  
麻布員領衫麻布冠麻鞋麻絰命婦麻布大袖長衫  
布蓋頭明器如鹵簿神主用栗制度依家禮行人頌  
遺詔於天下在外百官詔書到日素服烏紗帽黑角  
帶四拜聽宣讀訖舉哀再四拜三日成服每旦設香  
案哭臨三日除各遣官致祭祭物禮部備

永樂五年成祖仁孝皇后崩自次日輟朝不鳴鐘鼓  
帝素服御西角門百官素服詣思善門外哭臨畢行  
奉慰禮三日成服哭臨如上儀自次日為始各就公  
署齋宿二十七日止文武四品以上命婦成服日為  
始詣思善門內哭臨三日聽選辦事官俱喪服人材  
監生吏典僧道坊廂耆老各素服自成服日始赴應  
天府舉哀三日餘悉遵高后時儀又定諸王公主等  
服制世子郡王皆齊衰不杖期世子郡王妃郡主皆



大功周楚諸王及寧國諸公主及郡王之子皆小功  
遣中官赴告諸王府

二十二年成祖崩於榆木川京師聞訃皇太子以下  
皆易服宮中設几筵朝夕哭奠百官素服朝夕哭臨  
思善門外禮部定喪禮宮中自皇太子以下及諸王  
公主成服日為始斬衰三年二十七月除服內停音  
樂嫁娶止停百日文武官聞喪之明日詣思善門外  
哭五拜三叩頭宿本署不飲酒食肉四日衰服朝夕

哭臨三日又朝臨十日衰服二十七日凡入朝及視  
事白布裏紗帽垂帶素服腰經麻鞋退朝衰服二十  
七日外素服烏紗帽黑角帶二十七月而除聽選辦  
事等官衰服監生吏典僧道素服赴順天府朝夕哭  
臨三日又朝臨十日命婦第四日由西華門入哭臨  
三日俱素服二十七日除凡音樂祭祀並輟百日婚  
嫁官停百日軍民停一月軍民素服婦人素服不妝  
飾俱二十七日在外以聞喪日為始越三日成服就

本署哭臨餘如京官命婦素服舉哀三日二十七日  
除軍民男女皆素服十三日餘俱如京師凡京官服  
給麻布一疋自製四夷使臣工部造與諸王公主遣  
官及内外文武官詣几筵祭祀者光祿寺備物翰林  
院撰文禮部引赴恩善門行禮京城聞喪日為始寺  
觀各鳴鐘三萬杵禁屠宰四十九日喪將至文武官  
衰服軍民素服赴居庸哭迎皇太子親王及羣臣皆  
衰服哭迎於郊至大內奉安於仁智殿加殮奉納梓

宮遣中官奉大行皇帝遺衣冠作書賜漢王趙王禮  
臣言喪服已踰二十七日請如遺命以日易月帝以  
梓官在殯不忍易素冠麻衣麻經視朝退仍衰服羣  
臣聽其便

洪熙元年皇太子

即宣宗

還自南京至良鄉宮中始發

喪宣遺詔文武官常服於午門外四拜宣畢舉哀復  
四拜易素服迎皇太子於盧溝橋橋南設幕次香案  
皇太子至常服詣次四拜聽宣遺詔復四拜哭盡哀

易素服至長安右門下馬步哭至宮門外釋冠服披  
髮詣梓宮前五拜三叩首哭盡哀宮中自皇后以下  
皆披髮哭皇太子就喪次東見母后親王以次見皇  
太子畢各居喪次行祭告禮喪儀俱如舊惟改在京  
朝夕哭臨三日後又朝臨止七日在外止朝夕哭臨  
三日無朝臨禮文武官一品至四品命婦入哭臨服  
除禮臣請帝服淺淡色衣烏紗翼善冠黑角帶於奉  
天門視事百官皆淺淡色衣烏紗帽黑角帶朝參如

常儀退朝仍終太宗服制帝曰朕心何能忍雖加一日愈於已仍素服坐西角門不鳴鐘鼓令百日後再議已百日禮臣復請御奉天門帝命候山陵事畢

正統中仁宗誠孝皇后崩禮部定大行太皇太后喪禮皇帝成服三日後即聽政祀典皆勿廢諸王以下內外各官及命婦哭臨如前儀衰服二十七日而除軍民男女素服十三日諸王勿會葬外官勿進香民勿禁音樂嫁娶天順中宣宗孝恭皇后崩儀如故事

止改哭臨於清寧門英宗孝莊皇后崩儀如舊惟屠  
宰止禁七日外臣使臣免哭臨

正德元年景帝后汪氏薨禮部會羣臣言宜如皇妃  
例輟朝三日祭九壇太后中宮親王以下文武大臣  
命婦皆有祭制可四年憲宗廢后吳氏薨以大學士  
李東陽等言禮如英宗惠妃故事

嘉靖元年祖母孝惠邵太后崩服除部臣毛澄等請  
即吉視事議再上今考孝肅太皇太后喪禮澄等言

孝肅崩時距葬期不遠故暫持凶服以待山陵事竣  
與今不同況當正旦朝元亦不宜縞衣臨見萬國若  
孝思未忘第毋御中門及不鳴鐘鼓足矣從之仍免  
朔望日升殿既葬四日帝御奉天門百官行奉慰禮  
始從吉迨孝宗孝康皇后崩禮臣以舊制上帝謂郊  
社不宜瀆罷告祭又謂躬行諸禮前已諭代亦罷謁  
廟禮及太常寺以朝祖祔廟請各廟捧主官詔主俱  
不必出蓋從殺也先是武宗孝靜皇后崩禮部上儀



注有素冠素服經帶舉哀及羣臣奉慰禮帝曰朕於  
皇兄后無服矧上奉兩宮又迫聖母壽旦忍用純素  
朕青服視事諸儀再擬於是尚書夏言等言莊肅皇  
后夏皇后尊號也喪禮在臣民毋庸議惟是皇上以天子之

尊服制既絕不必御西角門羣臣成服後不當素服  
朝參及上喪葬儀帝復論毅皇后事宜與累朝皇后  
不同無几筵之奉當即行祔廟令皇后攝事於內殿  
言等議按禮卒哭乃行祔告蓋以新主當入舊主當

祧故預以告也此在常典則然非今日義例毅皇后  
神主誠宜即祔太廟以妥神而祔告之禮宜免因具  
上儀制可七年孝潔皇后崩禮部上喪祭儀帝擬過  
隆議再上帝自裁定概從減殺欲五日釋服閣臣張  
璉等言夫婦之倫參三綱而立人君乃綱常之主尤  
不可不慎今為后服期以日易月僅十二日臣子為  
君母服三年以日易月僅二十七日較諸古禮已至  
殺矣禮臣方獻夫亦雜引儀禮喪服等篇反覆爭辨

并三朝聖諭所載仁考皇后崩太宗衰服後仍服數  
月白衣冠故事以證之帝曰文皇后喪時上無聖母  
下無東宮從重盡禮為宜今不敢不更其制已詹事  
霍韜言今百官遭妻喪無服衰泣事之禮蓋妻喪內  
而不外陰不可當陽也聖諭云素服十日倣輟朝之  
義於內廷行之則可若對臨百官總理萬幾履陽之  
位行中宮之服則不可百官為皇后服衰為其母儀  
天下也禮父在為母杖不上於堂尊父也於朝廷何

獨不然請元冠素服御西角門十日即元冠元服御  
奉天門百官入左掖門則烏紗青衣侍班退公署及  
私室則仍素服白帽二十七日若曰於禮猶有未慊  
則山陵事畢而除帝從其言二十六年孝烈皇后崩  
即日發喪諭禮部皇后嘗救朕危其考元后喪禮行  
之禮部定議以第四日成服自後黑冠素服十日後  
易淺淡色衣俱西角門視朝百官十日素服經帶自  
後烏紗帽黑角帶素服通前二十七日帝常服於奉

天門視朝百官淺色衣鳴鐘鼓鳴鞭如常朔望不升  
殿梓宮發引百官始常服帝於奉先殿行禮俱常服  
於几筵祭則服其服滿日命中宮代祭從之尋諭皇  
妃列太子後非禮其改正三十年裕王母杜氏薨禮  
部言宜用成化中淑妃紀氏喪制且裕王已成婚宜  
持服主喪送葬出城乃議輟朝五日裕王遵孝慈錄  
斬衰三年欽遣大臣題主開塋掩壙祠謝后土并用  
工部官送葬儀仗人數皆增於舊帝謂非正禮令酌

考賢妃鄭氏例於是尚書歐陽德等復上儀注輟朝  
二日不鳴鐘鼓帝服淺淡色衣奉天殿視事百官淺  
色衣烏紗帽黑角帶朝參命裕王主饋奠之事王率  
妃入宮素服哭盡哀四拜視殮成服後朝夕哭臨三日  
後每日一奠通前二十七日而止仍以燕居盡斬衰  
三年之制

萬曆二十四年孝定皇太后崩帝諭禮部從優具儀  
帝衰服行奠祭禮穆廟皇妃中宮妃嬪太子諸王公

主以下皆成服百官詣宮門外哭臨命婦入宮哭臨  
餘俱如大喪禮

皇妃等喪 洪武七年九月貴妃孫氏薨無子太祖  
命吳王橚主喪事服慈母服斬衰三年東宮諸王皆  
服期由是作孝慈錄 永樂中貴妃王氏薨輟朝五  
日御祭一壇皇后皇妃皇太子各祭一壇親王共祭  
一壇公主共祭一壇七七日期再期皆祭 天順  
七年敬妃劉氏薨輟朝五日帝服淺淡黃衣於奉天

門視事百官淺淡色衣烏紗帽黑角帶朝參冊文置  
靈樞前皇太子以下行三獻禮自初喪至期年辭靈  
各於常祭外增祭一壇 弘治十四年憲廟麗妃章  
氏發引輟朝一日

皇太子及妃喪 自洪武中懿文太子後至成化八  
年懷獻太子薨年甫三歲帝諭禮部禮從簡王府及  
文武官俱免進香帛禮部具儀上自發喪次日輟朝  
三日帝服翼善冠素服七日而除又三日御西角門



視朝不鳴鐘鼓祭用素食文武羣臣素服麻布經帶  
麻鞋布裏紗帽詣思善門哭臨一日而除第四日素  
服朝西角門奉慰在外王府及文武官素服舉哀二  
日而除嘉靖二十八年莊敬太子薨禮部上喪禮  
帝曰天子絕期況十五歲外方出三殤朕服非禮止  
輟朝十日百官如制成服十二日而除詣停柩所行  
罷詣門哭臨葬遣戚臣行禮萬曆四十七年二月  
皇太子才人王氏薨命視皇太子妃郭氏輟朝五日

不鳴鐘鼓帝服淺淡色衣百官青素服黑角帶朝參  
皇長孫主饋奠

諸王及妃公主喪 洪武二十八年秦王瑋薨詔定  
喪禮禮部尚書任亨泰言考宋制宜輟朝五日今遇  
時享請暫輟一日皇帝及親王以下至郡主及靖江  
王宮眷服制皆與魯王喪禮同皇太子服齊衰期亦  
以日易月十二日而除素服期年從之定制親王喪  
輟朝三日禮部奏遣官掌行喪葬禮翰林院撰祭文

謚冊文壙志文工部造銘旌遣官造墳欽天監官卜  
葬國子監監生八名報訃各王府御祭一皇太后皇  
后東宮各一在京文武官各一自初喪至除服御祭  
凡十三壇封內文武官祭一其服制王妃世子衆子  
及郡王郡主下至宮人斬衰三年封內文武官齊衰  
三日哭臨五日而除在城軍民素服五日郡王衆子  
郡君為兄及伯叔父齊衰期年郡王妃小功凡親王  
妃喪御祭一壇皇太后中宮東宮公主各祭一壇布

政司委官開壙合葬繼妃次妃祭禮同其夫人則止  
御祭一壇但造壙祔葬郡王喪輟朝一日行人司遣  
官掌行喪禮餘禮多與親王同無皇太后皇后祭郡  
王妃與親王妃同無公主祭合葬郡王繼妃次妃喪  
禮俱與正妃同凡世子喪御祭一東宮祭一遇七及  
百日下午葬期年除服御祭各一凡世孫喪禮如世子  
減七七及大祥祭凡鎮國將軍止聞喪百日下午葬三  
祭奉國將軍以下御祭一初洪武九年五月晉王妃

謝氏薨命議喪服之制侍講學士宋濂等議曰按唐制皇帝為皇妃等舉哀宋制皇帝為皇親舉哀今參酌唐宋之制皇帝及中宮大功諸妃皆服小功南昌王妃服大功東宮公主親王等皆服小功晉王服齊衰期靖江王妃小功王妃服總麻輟朝三日既成服皇帝素服入喪次十五舉音百官奉慰皇帝出次釋服服常服制曰可其後王妃喪視此成化八年二月忻王見治薨發引日帝不視朝及葬輟朝一日十三

年四川按察司彭韶言親王郡王薨逝皆遣官致祭使臣絡繹人夫勞擾自後惟親王如舊其郡王初喪遣官一祭餘並遣本處官凡王國母妃之喪俱遣內官致祭今宗婦衆多其地有鎮守太監者宜遣行禮又王國塋葬夫婦同穴初造之時遣官監修開壙合葬乞止命本處官司帝從禮部復奏王妃祭禮如舊餘依議行 弘治十六年七月申王祐楷薨禮部言前沂穆王薨未出府申王已出府而未之國擬以沂

穆叅以在外親王例行之 永樂十五年正月永安公主薨時初舉張燈宴遂罷之輟朝四日賜祭命有司治喪墓二月太祖第八女福清公主薨輟朝三日定制凡公主喪聞輟朝一日自初喪至大祥御祭凡十二壇下葬輟朝一日儀視諸王稍殺喪制同惟各官不成服

忌辰 洪武八年四月仁祖忌日太祖親詣皇陵致祭 永樂元年禮部尚書李至剛等奏定高皇帝忌

卷之十九  
辰前二日帝服淺淡色衣御西角門視事不鳴鐘鼓  
不行賞罰不舉音樂禁屠宰百官淺淡色衣黑角帶  
朝參至日親祀於奉先殿仍率百官詣孝陵致祭高  
皇后忌辰如之 宣德四年令凡遇忌辰通政司禮  
科兵馬司勿引囚奏事五年勅百官朝參輟奏事儀  
英宗即位召禮臣及翰林院議忌辰禮大學士楊士  
奇楊榮學士楊溥議每歲高廟帝后文廟帝后仁宗  
忌辰服淺淡色服不鳴鐘鼓於奉天門視事宣宗忌



辰小祥之日於西角門視事從之 弘治十四年令  
凡遇忌辰朝參官不得服紵絲紗羅衣景皇帝恭讓  
皇后忌辰遇節令服青絲花樣宣宗忌辰遇祭祀服  
紅十六年八月吏部尚書馬文升言宣德間仁宗忌  
辰諸司悉免奏事自太祖至仁宗生忌俱輟朝其後  
不知何時仁宗忌辰依前奏事惟太宗至憲宗忌辰  
百官淺淡色服黑角帶朝廷亦出視朝鳴鐘鼓奏事  
臣思自仁至憲世有遠近服有隆殺請自仁宗忌辰

英宗生忌日視朝鳴鐘鼓若過憲宗及孝穆皇太后忌日不視朝著淺淡服進素膳不預他事或遵宣宗時例自太宗至憲宗生忌俱輟朝一日憲宗孝穆皇太后忌日如臣所擬帝下禮部議部臣言經傳所載忌日為親死之日則死日為忌非謂生辰也其曰忌日不用不以此日為他事也曰忌日不樂是不可舉吉事也此日當專意哀思父母餘事皆不舉但先朝事例迄今見行未敢更易帝乃酌定以淺淡服色視

事 嘉靖七年令忌辰止祭本位十八年令高廟帝  
后忌辰祭於景神殿列聖帝后忌辰祭於永思殿二  
十四年仍祭於奉先殿



欽定續文獻通考卷九十九